



Ilulissat, 21. juuli 2016

Inatsisartut suleriaasiat § 37 malillugu, immikkoortoq 1 naapertorlugu matumuuna Naalakkersuisunut apeqqtut imaattoq saqqummiuppara:

Naalakkersuisunut apeqqtut:

- 1. Assassorlutik kusanartuliortartut pikkorissut suliaasa takornarianut tunineqarnerini nunatsinniit sanalukkanik annissinissamut akuersissutit soq taama arriitsigisumik suliarineqartarpat?**
- 2. Sooruna takornariartitsinermik suliaqartunut kalaallit kusanartuliaasa nunatsinniik avammut anninissaannut akuersissutinik tunisiniartarnej taama ajornartorsiornartigisoq?**
- 3. Ilulissani mittarfiup tallineqarnissaanut atatillugu Ilulissani mittarfiup tungaanut aqquserngup silillineqarnissaa Naalakkersuisunit pilersaarutigineqarpa?**
- 4. Sumiiffinni assigiinngitsuni takornariaqarnikkut siuarsaanermut atatillugu Naalakkersuisut sumiiffinni assigiinngitsuni unnuisarfeqarnikkut annertusaaneq eqqarsaatigalugu qanoq pilersaaruteqarpat ?**

(Inatsisartunut ilaasortaq, Anthon Frederiksen, Partii Naleraq)

Tungavilersuut:

Takornariartitsinermik inuussutissarsiuteqarnej siunissami isumalluutit pingarnerit ilagaat. Taamaammatt assut soqutiginarpoq paasissallugu sumiiffinni assigiinngitsuni mittarfiit tallineqarnerinut atatillugu unnuisarfeqarnikkut pilersaarutit qanoq ittuunersut?

Tassami assersuutigalugu aasaq manna angallanneq kipusuutsiarmat, Ilulissani takornarissat angalasullu allat kinguaattoorneq pissutigalugu, Ilulissani unnuiffissaqarniarnikkut

takornarissat angalasullu ilaat assut ilungersunartumik inissisimalersimagaluarmata, allaallu angalasut ilaat inissaqanngimmata, ilaqtariit ilaannut inissinneqartariaqarsimallutik.

Taamaattumik siunissami takornarissat amerleriarnissaat anguneqassappat aamma taakku unuiffissaqarnissaat pingaaruteqarluinnarmat.

Aamma sillimaniarneq eqqarsaatigalugu, tamanit ilisimaneqarpoq, maannakkut Ilulissani mittarfimmut aqqusineq pitsaavallaaranilu ilaatigut biilit marluk saneqqunniarneri ajornartorsiorfiusinnaasarmat. Taamaattumik aqquserngup taassuma tallineqarsinnaanera Naalakkersuisuniit qanoq takorloorneqarnersoq ilanngullugu paaserusupparput.

Ullut suliffiit qulit qaangiutinnginnerani akineqarnissara kissaatingaara.